

# Konprann ak Sipòte Idantite Seksyèl



Moun k ap bay swen yo ka fè anpil bagay pou sipòte kwasans ansante pitit yo. Sa gen ladan l konprann ak sipòte idantite seksyèl pitit yo.

## SA APATENANS SEKSYÈL YE EPI SA L PA YE

*Sa apatenans seksyèl ye epi kijan li parèt:*

- Apatenans seksyèl se fason sosyete a atann pou ti gason, ti fi, gason ak fanm yo sanble ak konpòte yo.
- Nòm apatenans seksyèl yo kiltirèl epi yo ka chanje avèk tan. Pa egzanp, nan peyi Etazini, ti fi yo te konn mete jip sèlman. Epi sa te ra pou fanm te travay andeyò kay la.
- Premye sans yon timoun sou apatenans seksyèl ka rijid. Sa rive menm lè yo ofri l jwèt ki pa atribiye ak yon apatenans seksyèl oswa jwèt divèsifye. Yon ti fi ka vle mete woz sèlman. Yon ti gason ka panse yon fanm ki gen cheve kout se yon gason.
- Timoun yo aprann sou sèks pandan y ap jwe ak eksplore. Anpil faktè afekte idantite seksyèl. Se pa yon bagay moun k ap bay swen yo kreye.
- Lè timoun piti yo eksplore, yo ta ka fè jwèt abiman ak jwèt wòl san yo pa panse sou etikèt apatenans seksyèl yo. Yon ti gason ka pretann li se yon manman. Yon ti fi ka abiye tankou yon papa.
- Jwèt "apatenans seksyèl-kwaze" pa vle di pitit ou a transjan oswa gen apatenans seksyèl divèsifye.

*Sa apatenans seksyèl pa ye:*

- Apatenans seksyèl pa menm bagay ak sèks. Jeneralman yo asiye sèks nan nesans. Mal pou tibebe ki fèt ak yon peni, eskwotòm ak testikil. Femèl pou tibebe ki fèt ak yon vilv, vajen ak ovè.
- Yon ti kantite tibebe—mwens pase 2%—fèt ak aparèy jenital ki pa ni mal ni femèl. Yo rele sa entèseksyalite.

## KIJAN POU SIPÒTE DEVLOPMAN ANSANTE IDANTITE SEKSYÈL

Pifò timoun grandi pou idantifye tèt yo ak apatenans seksyèl sèks yo te asiye yo lè yo te fèt la. Men kèk timoun pa fè sa. (Nan lane 2022, chèchè UCLA yo te estime ke mwens pase 1% ameriken ki gen plis pase 13 lane idantifye tèt yo kòm transjan.) Pafwa menm timoun ki piti anpil *ensiste* ke yo pa gen okenn apatenans seksyèl. Oswa di yo gen apatenans seksyèl opoze ak sa yo te asiye yo nan nesans la. Ekspè yo rekòmande pou sipòte sa yon timoun di sou apatenans seksyèl li. Sa a valab espesyalman lè yo *konsistan* ak *pèsistan* sou sa.

Li enpòtan pou moun k ap bay swen yo respekte ak sipòte pitit yo jan yo wè tèt yo. Sa a valab menm lè yon timoun piti anpil. Ou ta ka di, "Mwen renmen ou kèlkeswa sak rive," oswa "Ou ka toujou pataje fason ou santi w avè m." Asire w ke pitit ou a santi yo renmen li ak aksepte li enpòtan anpil pou devlopman l ansante. Mande Espesyalis HealthySteps ou a si w gen nenpòt enkyetid oswa kesyon konsènan ekspresyon oswa idantite seksyèl pitit ou a.

## RESOUS ADISYONÈL

American Academy of Pediatrics  
(Akademi Pedyatri Ameriken)  
(Angle ak Panyòl)

- [Devlopman Idantite Seksyèl nan Timoun Yo](#)
- [Timoun ki Gen Apatenans Seksyèl Divèsifye ak Timoun Transjan](#)
- [Parantalite Yon Timoun ki Gen Apatenans Seksyèl Divèsifye: Kesyon Difisil Yo Reponn](#)

TSER (Trans Student Education Resources) (Resous pou Edikasyon Elèv Trans)

- [The Gender Unicorn \(Likòn Apatenans Seksyèl La\)](#)  
(grafik enfòmasyon nan lang angle, panyòl, pòtigè, ris, japonè, alman, franse, italyen, taylandè, tik, olandè, kmè, ongwa, danwa ak islandè)

